

皇明通紀法傳全錄

皇明通紀法傳全錄卷之八

東莞 陳建 著 西湖 高汝拭 訂

雲間 吳楨 增刪 高鼎煊校

聖世何以
有以此異
事

巡撫之業
惟與于此
精誠錄

癸亥洪武十六年正月元旦早朝鍾忽斷爲二又有鴟
鵂自天隕死丹墀見者異之○白虹貫日○命魏國公
徐達率列侯郭興趙庸薛顯周武謝成等巡撫北邊訓
練士卒○吳沉等進精誠錄先是 上謂沉等曰朕閱
古昔聖賢其垂訓立教大要有三曰敬天曰忠君曰孝
親其言散在經傳未易會其要領爾等其以三事類輯
之至是書成 上乃賜名精誠錄○免應天太平鎮江

平蒙化府
鄧川州

沐英鎮雲
南

寧國廣德五府稅糧○傳友德等平蒙化府鄧川州破
佛光砦過金沙江攻北勝府擒偽平章高生復平麗江
府平津等州前後斬首萬餘級蠻民降者數十萬戶○
上以雲南平命耿炳文往諭傳友德班師沐英留鎮雲
南麓川之外有國曰緬卑里之外有國曰八百媳婦皆
請內附○

高汝拙曰事有便利不可不變通者如雲南一省上
古不臣自入版圖即以西平世守黔寧之烈民吏畏
服二百餘年聲教浹洽可謂便矣然沐氏盤據既久
人心頗附漸有跋扈之志如朝弼兒殘不道自干法
紀朝廷索二婦人至二十年不得非神宗英明轉
而付之法吏不從唐之中葉哉夫沐氏強則尾大不
掉朝廷之法不伸沐氏衰則屏翰不固朝廷之威不
震變而通之可以兩全無害是在廟堂上深計之耳

歲貢生員
父始

二月免國子監祭酒吳頤以大學士吳訥代之時武臣子弟有怠于學者顯寬縱不能檢束訥向居此職性嚴重推恩義身言並教鏗礪不遺餘力一時士習丕變故命之既而○上又曰國學爲育才之地○公侯子弟咸在焉○非得威望重臣以蒞之○則恐怠于務學○特命曹國公李文忠兼蒞其事○使時加勸勵○俾有成就○命天下府州縣學歲貢生員一人至京從翰林院試義

六月○上諭刑部尚書開濟都御史詹徽等曰○凡論首須原情○不可深入人罪○昨民有子犯法當死○其父行賄求免○御史欲罪之○朕以父子至親○子死而父救之○人之

聖德同天

枉法貪賄
復成無事
殺之痛快

至情也。故但論其子而赦其父。自今凡有論決。必再三詳。讞覆奏而行之。毋重傷人命。刑部尚書開濟議法。巧密。上惡之。曰。刑罰禁民使之遠罪。非以陷民。汝張網法以罔民。無乃用心太刻夫。竭澤而漁。害及鯢鱓。焚林而田。禍及麀穀。巧密之法。百姓其能免乎。此非朕所以望汝也。濟大慚。未幾獄囚有禁死者。濟亦不問。嘗受一囚賄。以獄中死囚代。而脫之。爲獄官所發。上詔濟諭之。歸部。濟與侍郎王希哲主事王叔微執獄官于獄。扼其吭而殺之。上怒。乃下濟獄。併執王希哲等。詔廷臣訊之。濟具服。於是并希哲等誅之。命信國公湯和

築海道諸城

巡視海道築山東江南北浙東西海上諸城○更定都

察院官以詹徽為左都御史

置勘合

七月給諸番國勘合○上以海外諸國進貢信使往來真偽難辨遂命禮部置勘合文簿發諸國俾往來俱有

法益精密

憑信稽考以杜姦詐之弊但遲入貢咨文俱於所經各布政司比對勘合相同然後發遣於是遲羅占城琉球

郭興卒

等五十九國俱給勘合文冊○鞏昌侯郭興卒追封陝

國公興一名子興以與滁陽王同名故止名興以別之

興山甫子也其姊入侍為皇寧妃孝慈崩嘗攝官事後山甫追封管國公次子英亦封武定侯德成驍

高皇帝

吳復卒

賈城

中虛則刑

平千古刑之本

古來功在

于國德及

于民不止

致此感

書明法有金卷八

○安陸侯吳復卒于貴州追封黔國公○詔建三法司
于太平門鍾山之陰名曰賈城勅言賈索七星如貫珠
環而成象名天牢中虛則刑平官無私邪政平訟理獄
無囚人若凡星處賈內者刑官非人若中有星而明為
貴人無罪而獄今法天道置法司汝法司官各勵乃心
慎乃事法天道行之如貫索星之中虛然庶不負朕所
建之意○禮部奏定歷代名臣祀典從之

秦蜀守李冰鑿山堰流以備水旱民始殷富漢文翁
為蜀守仁愛化民興學教子弟宋張詠為蜀守民畏
而愛之李冰已載祀典文翁與詠未及奉祀室與李
合為一祠漢循良密令卓茂河南縣丞有廟祀黃霸
鉤州祠之室葺而祀之以昭隆典吳人陸遜反子抗
從子凱當三國時之民兼資為吳將相以幾定國公

一時因邪
而之請而
類奏之歟

宗伯洪武
關科狀元

三舉走行
文行相濟

江舊祠址尚存宏弘有司其祠政祭四川隆川土神
曹休虎李龍遷臣事于梁縣城保康川蜀邦人祀之
雨陽疾疫行時必應唐狄仁傑諫立靈陵王德廟社
稷嘗請為彭澤令彭澤舊有祠宇理宜褒祀謝夷甫
肅宗時為京畿令孟湜押兵過境縱掠百姓夷甫掘
而斬之李輔國詣之于朝流建州卒墜于甌寧後見
夢于帝立廟賜名靈通封武英侯元九江路總管李
穀與其侄秉昭陷難死節廟食于九江義兵萬戶李
宗可從余關守安慶城陷關死宗可自刎余
關既有祠安慶堂以李宗可配享皆從之

降大學士吳宗伯為檢討

宗伯金谿人性勁直嘗指斥胡惟
庸累經遷謫大節不圓亦有文名

頒行科舉成式凡三年大比子午卯酉年鄉試辰戌丑
末年會試舉人不拘額數從實克貢其中式者官給廩
傳送禮部會試遂為定式○又令各布政司直隸府州

三代以來
禮內臣之
防無如我
太祖者
異慎曰如
此美政正
宜拾遺以
為聖子神
孫法範
錄歷朝之
何也

縣舉秀才人才必由鄉舉里選知州知縣等官會同境
內耆宿長者訪求德行聲名著于州里之人先從鄰里
保舉有司再驗言貌書判方許進呈若不行公同精選
者生以重罪○勅內官毋預外事凡諸司毋與內官監
文移往來謂侍臣曰為政必先謹內外之防絕黨比之
私庶得朝廷清明紀綱振肅前代人君不鑒於此縱宦
官與外臣交通覘視動靜貪緣為姦假竊威權以亂國
家其為害非細故也間有奮發欲去之者勢不得行反
受其禍延及善類漢唐之事深可鑒也朕為此者所以
戒未然耳○命禮部製大成樂器以頒天下儒學○以

國初用人
其可謂立
賢無方

便人多少
亦一陰功

通經儒士陳玄爲右僉都御史林芝爲司經局試正字
秀才宋矩等十七人爲監察御史○申定文臣封贈蔭
序之例併定武職嫡妻封贈之例

十一月景川侯曹震請開建昌古驛道四川至建昌驛
道所經大渡河往來之人多死于瘴癘今詢問諸父老
自眉川峨眉至建昌有古驛道平易可行無瘴毒之患
而年久蔽塞已令四川軍士乘此閒暇之時開通其道
以溫江至建昌各驛馬移置峨眉新驛爲便從之
閏十一月大明清類分野書成詔頒賜秦晉諸王

其書以十二分野量次分配天下諸縣凡郡縣
之下又詳載古今建置沿革之由通爲十二卷
臣內去專集

諭平雲南功封大將傅友德、穎國公郭英、武定侯胡海、東川侯陳恒、普定侯張翼、鶴慶侯並賜鐵券其仇成、張龍王弼先已有功身受侯封今既功著征南當及子孫世世襲吳復、金朝興先卒亦授世襲侯爵鐵券餘陞職賜金帛有差。○曹國公李文忠有疾上與東宮臨幸其第視之及卒年六十有六追封岐陽王謚武靖。

文忠器量沉闊人莫測其際臨陣臨屬奮發至遇大敵膽氣益壯故有不戰戰必勝東征西討挺立殊勲威震遐邇過名徭華夷性好學訪行釋兵家居恂恂若儒生嘗師金華胡翰講明性理之學出為詩詞皆雄壯可觀可謂文武全才矣。子景隆襲封曹國公。

河南大水禾稼湯盡命附馬都尉李祺往同有司驗民

陳遇卒

戶口預為賑恤。○江寧陳遇卒。

遇可謂明
潛供身

遇初為元溫州路教授。兵退隱於家。國初以秦元之
薦。稱為先生而不名。車駕屢幸其第。容以機密授以
官。輒辭。常命為翰林學士者再。又命為太常卿。為禮
部侍郎。最後除禮部尚書。皆固辭。每召見。賜坐。顧問
賜宴。賜肩輿。校尉十人。昇其出入前後。錫爵無筭。羣
臣以過被譴者。率為救解。上亮其誠。未嘗為忤命。
其子亮宿衛亦辭。蓋恬淡靜退。始終一致。至是卒。賜
山。差鑑。

○欽天監博士元統言曆日之法其來尚矣。今曆雖以
大統為名。而積分猶授時之數。見授時之法。以至元辛
巳為曆元。至洪武甲子。積一百四年。經云大約七十年
而差一度。每歲差一分五十秒。辛巳至今年遠數盈。漸

差天度擬合修政臣今以洪武甲子歲冬至爲大統曆元推演開磨勘司令王道亨有師郭伯玉者精明九數之理若得此人推大統曆法庶幾可成一代之制蓋天道無端惟數可以推其幾天道至妙因數可以明其理是理因數顯數從理出可相倚而不可相違也書奏

上是其言擢統爲監正其後欽天監監副李德芳言故元至元辛巳爲曆元上推往古每百年長一日每百年消一日永久不可易矣今監正元統改作洪武甲子曆元不用消長之法非是今當用至元辛巳爲曆元及消長之法方合天道疏奏元統復爭之上曰二說皆難

造海舟

執法不情

天有風雨
露雷深所
不施聖人
立教亦無

憑只驗七政交會行度無差者爲是。自是欽天監造曆以洪武甲子爲曆元。仍依舊法推筭。不用揆法。遼東多颶風。命東川侯胡海榮陽侯鄭遇春督金吾等衛造巨舟一百八十艘。以備航海。○左都御史詹徽奏太平府民有毆死孕婦。律當絞者。其子乞代父刑。詔大理寺詳議。大理卿鄒俊曰。子代父死。情固可矜。然死婦繫二人之命。寃何由申。犯人當二死之條。律何由貸。與其存犯法之人。孰若全無辜之子。詔從其議。○命立遼東學校。○上謂禮臣曰。昔箕子居朝鮮。施八條之約。故男遵禮義。女尚貞信。管寧居遼東。講詩書。陳俎豆。飾威儀。明

往不行

隨地施化
彼以風氣
為拘者其
陋

皇明方集賢公

七

翠紅軒

禮讓而民化且德魯謂邊境之人不可以教乎况武臣子弟久居邊境鮮聞禮教恐漸移其性今使誦詩書習禮儀非但可以造就其才他日亦可資用

十月高麗遣使張伯崔清來貢以違命却之令禮部論王

按朝鮮周封箕子地也秦遼東外徼漢初為燕衛滿所據武帝取為真西臨屯樂浪玄菟四郡漢末為公孫氏所據魏滅公孫晉并于高麗高麗本扶餘別種王高麗居平壤即樂浪邑而東從鴨綠江東南十餘里後唐時王建代高麗并有新羅百濟又徙東松岳以平壤為西京子孫遣使朝貢宋遼金四百餘元至元中兩京內屬置東寧總管府其國東西南濱海北隣女直西北至鴨綠江東西兩距二千里南北四千四百八十里分八道統府州郡縣俗柔謹知文字喜讀書崇釋氏見惡殺戮折風中服大袖衫男女相悅為婚死

三年始罷飲食用粗豆官吏開威儀居皆茅茨衣多
麻柴以田制俸以稅醢酒法無苛條刑不慘毒山川
九都神農北岳海陽綠江為大產金銀鐵山品鹽細
苧布白磁紙狼尾果下馬長尾雞貂貉海豹皮八
楠魚昆布杭黍榛松人參茯苓之屬國朝洪武二年
即奉表稱臣朝貢不絕至是以其違約不恭故諭責
之

十二月 上謂諫議大夫唐鐸曰言有邪有正正言務

規諫邪言務謗諛謗言近于忠諛言近于愛惟不惑于

謗言則聽日聰而謗人自去不眩于諛言則智日明而

佞人自絕又曰朕日總萬幾所行有得失非資人言何

由以知故廣開言路以來衆言言有善者則獎而行之

風聞不實亦不加罪惟讒佞面諛者決不可容也○令

皇明法傳錄卷八 高皇帝

歷代帝王
不眩不惑
者我人我
聖祖了
然謗佞何
由而入

此本孔子
德禮刑政
之論而洞
其甚者也
古來人君
鮮有談及

朝覲官上土地人民圖。上覽輿地圖。侍臣有言。輿地
之廣。古所未有者。上曰。地廣則教化難。周人衆則撫
摩難。徧此正當戒愼。天命人心。惟德是視。紂以天下而
亡。湯以七十里而興。所係在德。豈在地之大小。○上
御奉天門。諭羣臣曰。治天下之道。禮樂二者而已。若通
於禮而不通於樂。非所以淑人心。而出治道。達於樂而
不達於禮。非所以振綱紀。而立大中。必禮樂並行。始治
化醇。至若刑政二者。不過輔禮樂爲治耳。苟治徒務刑
政。則在上者雖有威嚴之政。必無和平之美。在下者雖
存苟免之心。終無格非之誠。大抵禮樂者。治平之膏粱。

言路不廣
則此策焉
敢吐一字
若子不以
人廢言言
可以入際
乎哉

徐達卒

可為勞臣

刑政者救弊之藥石。卿等于政事之間。宜知此意。慎毋
以禮樂為虛文也。○皮作局大使許士哲言治道之志
者十有四。其目曰。明賞罰以清官吏。問疾苦以安民生。
均賦役以甦民力。嚴銓選以擇賢才。揀精卒以杜妄費。
興武舉以羅英才。崇節義以厚風俗。明禮樂以教萬民。
立平準以利商賈。置常平以惠農民。用直臣以任彈糾。
開言路以通民情。減亡胡之餘燼以絕後禍。鑒前代之
興亡以壽國脉。上善其言。

乙丑洪武十八年二月。魏國公徐達卒。達自五年北征
還。即命沿邊輯守。歲鎮于燕。至是召還京師。至冬疾作。

情至語字
常淚痕

年五十四追封中山王謚武寧賜塋鍾山之陰上謂
羣臣曰朕起自徒步大將軍爲股肱心膂戮力行陣東
征西討削平羣醜克濟大勲今邊胡未殄朕方倚重爲
萬里長城之寄而太陰屢犯上將不意遽殞其身天何
奪吾將之速朕夜來竟夕不寐歔歔流涕思盡心國家
爲社稷之重安得復有斯人乃欲有以報之無所用其
情耳乃著其勲烈于金石使後世知斯人爲國之元
勲也遂親製神道碑稱其平昔命配享太廟塑像祭
于功臣廟位皆第一子男四人輝祖襲魏國公添福勲
喬增壽左都督應緒都督僉事長女仁孝次皇后次

宋王姬次代王姬

上自起兵濠梁一見奇之遂位諸將上託為心膂
中廷禮儒士說古兵法及將帥行事親斷其是非成
敗莫不心服至科教制勝與漢唐名將等而忠謹仁
厚過之故能輔成帝業為開國功臣第一也○陳建
曰徐武寧王天性端謹重厚上下咸敬上嘗召武
寧夜飲命在右強之使醉既而命內侍送至舊內為
吳王時所居宿焉中夜武寧酒醒問曰此何處耶內
侍曰此舊內也即起趨丹陛下北面曰拜三叩頭而
出上聞之喜自此愈信愛之不疑武寧嘗南征至
姑蘇見一女不絕色也則以重幣結之曰且不即納
當為後期及師旋悔之使人道意令其他適女父堅
求與女以待巾幗武寧同拒不從更遺數十
金以助其資粧且謝負約武寧之厚德如此

乙巳初昏五星並見

三月會試天下貢士取分空黃子澄第一新濫練子寧

次之三月策士于奉天殿擢丁顯為第一子寧次之子澄又次之並受翰林修撰

黃子澄初名湜後子寧初名安俱以字行後死于建文之難丁顯後獲譴歸德業無聞焉

正守邊策

大學士宋訥上守邊策略曰今海內既安衛夷奉貢惟

沙漠未遵聲教若置之弗治恐歲久滋患邊圉卒荒若

窮追遠擊恐士馬疲費餽餉艱難陛下為聖子神孫

萬世計莫若善備邊之策耳備邊固在乎足食足食又

在乎屯田今諸將中豈皆借才于異代哉安選其智勇

此策在承平時尤宜行

謀略者數人每將以東西五百里為制隨其遠近高下分屯所領衛兵斟酌損益率五百里一將彼此相望首

進士觀政
始此

尾相應耕作以時訓練有法遇敵則戰寇去則耕此長
久安邊之策也。上善其言。○初選進士爲翰林院承
勅監六科庶吉士。上以諸進士未更事俾觀政諸司
各照出身資格月給俸米。

討思州五
開山洞蠻

四月五色雲再現禮部請率百官表賀。上曰朕德不
逮治化未臻豈可遽以是受賀。前代帝王喜言祥瑞臣
下從而和之。往往不知省懼以致災異之來不復能弭。
蓋誇侈之心生則謹慎之志息。故鮮克有終可以爲戒。
○思州及五開山諸洞蠻寇作亂命信國公湯和江夏
侯周德興率師討之。時蠻寇出沒不常聞王師至輒竄。

周德興卒

功成身退
極得持盈

之理

築海城

明史紀事本末

臣明史紀事本末卷八十一
匿山谷。退則復出剽掠。和等師底其地。恐蠻人驚潰。乃
于諸洞分屯。勦捕夷其窟穴。俘獲四萬餘人。旋師。是冬
周德興卒。○湯和還京師。以年高思歸。故鄉從容乞骸
骨。上喜。賜鈔五萬。偕造第鳳陽。面諭和曰。日本小夷。
屢擾東海。卿等老強。為朕行。視要地。築城增戍。以固守
備。和行築海上數十城。民四丁取一。為兵以守之。○吏
部尚書余煥。以罪誅。時國子祭酒宋訥。以嚴為眾所嫉。
助教金文徵。與煥同鄉。謀逐之。吏部移文令訥致仕。訥
陛辭。上驚問。故遂。勸得實。以煥專擅威柄。并文徵等
誅之。

五月雲南叛服不常，軍儲不給，沔陽指揮僉事潘進力
修屯田以足軍食，甲兵精利，遷爲雲南右衛指揮同知。
○朱善進觀心箴，○以蹇瑒爲中書舍人，每奏事率稱
青數蒙獎賚，一日奏事畢，上從容問曰：汝非蹇叔之
後乎？親灑宸翰書義字賜之，以易舊名，自是大見信用。
○戶部侍郎郭桓等犯贓盜過官糧凡七百萬石有餘，
詞連天下，諸司官吏繫獄擬罪者數萬人，招指贓鈔寄
借滿天下，皆至破家。御史余斂丁廷舉言：「法司逼令袒
等妄指平民，皆歸謗朝廷。」於是遂將審刑司、右審刑吳
庸等凌遲示衆，以息天下之謗，乃編榜天下，詔曰：「鳴

呼罪盈自己。蠹政害民。如戶部侍郎郭桓、胡益、王道亨、
閩部等、刑部尚書王惠迪、閩部等、兵部侍郎王志、閩部
等、工部侍郎麥志德、閩部等、禮部尚書趙瑁、閩部等、賊
貪亂政罪已分明。及其間賊下落供招大半妄指平民。
嗚呼。朕爲民設官。爲民造福。必欲除姦。復生姦甚。擾害
吾民。實朕不才之所致。今詔天下。凡我良民。憐朕不敏。
以居君位。書不云乎。天位艱哉。寢食不安。以圖民康。仰
天俯察。求后姦貪愈增。若此。人心爲之奈何。自詔之後。
凡擾吾民者。大赦不赦。○以劉三吾爲左春坊左贊善。

儒士劉三吾。湖廣茶陵人。博覽羣經。記元爲廣西儒學
副提舉。至是以通政茹瑺薦。召拜吳越時年七十三。

○繫天下罪囚于烈山，詔文武大臣錄之，都督僉事沐春錄其可矜疑者，奏釋數百人。明年蔚州民告變，那海者構逆，上命春馳往，至則逃，春厲兵襲而捕之，推較得實，白其誣誑者，又全活百人。

四月彗星見掃盂，復掃天廟，未幾太白經天。上遣使諭靖寧侯葉昇等曰：邇者上天垂象，沿邊城池，宜加慎守。凡外寇入境，但當保障清野，靜以待之，俟其怠歸，急擊勿失，不宜輕出境外，蹈其不測也。○以朱善為文淵閣大學士。○命江夏侯周德興招集故元將校。○丹徒知縣胡孟道、縣丞郭伯高、金壇縣丞李思道以事當就

以當迎之
比爲民而
顧其治也

速民數十餘人請開疏其撫民有方特命釋之仍遣使
往勞以酒

祭觀星臺

七月山東北平雨水愆期歲苗有虧詔今歲秋糧盡行
蠲免○祭欽天監觀星臺于鷄鳴山○大學士朱善講

誠育而有

威嚴六字

括盡修齊

之指

心印周文

朱善卒

周易至家人上曰一家之間長幼內外各盡其分事
事循理則一家治矣一家既治達之一國以至天下舉
而措之耳朕觀其要只在誠實而有威嚴誠則篤親愛
之恩嚴則無閤門之失善曰誠如聖諭未幾以疾卒

善豐城人字備萬隱居著述以理學爲已任洪武初

爲郡學教授荐爲翰林修撰以奏對失旨放歸尋復

徵爲待詔陞大學士以

疾賜歸卒年七十二

○高麗遣使進貢。上諭禮部曰：高麗王顥被弑，其臣欲掩已惡，來請約束不已。是以索其歲貢，以試誠偽。今既聽命，宜與之約，削其歲貢。令三年一朝貢馬五十匹。汝宜諭之。○福建按察使陶垕仲表請父兄復還聚處，詔許之。垕仲表言：臣父昔在方氏部曲，洪武初徙鳳陽。時臣幼弱，貧苦賴兄撫養有成。其後兄亦爲鳳陽軍吏。今臣叨蒙聖恩，備位司憲，欲推祿養以報生育之恩。使父母兄弟得復聚處，實戴生成。許之。垕仲初以國子生擢御史，彈擊不避權勢。上雅重之。故陞爲福建按察使。時福建多滯獄吏，貪緣爲奸。垕仲至治，賊吏數十人。

陶屋仲可
鄉名宦

東蘭州
縣名

盡革其宿弊。又興學。勸士。無恤軍民俸祿。雖厚。自奉儉薄。有餘。悉施貧者。其清介類如是。時布政薛大方貪暴。屋仲劾奏之。大方詞連屋仲。至京。事白。大方得罪。詔屋仲還官。閩人迎拜。語曰。陶使再來。天有眼。薛公不去。地無皮。後卒于官。○辛巳。慶遠府東蘭州蠻寇韋富撓作亂。廣西都指揮使司討定之。富撓之先。自唐宋以來。據東蘭西蘭二州。儂智高反時。竄匿山谷。迄故元。富撓之父晏勇。仍據東蘭。至洪武十二年。富撓始遣其家人韋錢保詣闕上。故元所授印貢方物。錢保匿富撓名。以爲已物。朝廷初不之知。因以錢保爲東蘭知州。旣而錢

武臣子弟
入國學

保徵歛暴急山民不服遂從富撓作亂及官軍討之擒其黨章公煥始言錢保冒襲之故於是執錢保除官代之蠻民乃定

八月命都督府選武臣子弟入國學讀書諭之曰武臣從朕定天下以功世祿其子弟長于富貴又以父兄早歿鮮知問學空令讀書知古今識道理俟有成立然後命官族幾得其實用也

千洞蠻
面兒

九月洞蠻吳面兒等寇古州命信國公湯和從楚王禎進兵勦除和等進古州討上詣洞以計誘擒之械還京師誅之諸洞悉平○上諭戶部臣曰人皆言農桑衣食

之自什一之制渾奇巧之技作而農桑之業廢一農執耒而百家待食一女事織而百夫待衣欲民無貧得乎朕思足食在于禁末作足衣在于禁華靡爾宜申明天下四民各守其業不許游食庶民之家不許衣錦繡庶幾可絕其弊

十月命平涼侯費聚為總兵率指揮丁忠等征廣南府叛酋平之○命蜀王閱武于中都

蜀王 上第十子也諱椿最有賢德博通經藝旁及釋典上所鍾愛呼為蜀秀才王至中都首開西堂以讀書自娛閱武餘暇召儒臣李叔荆趙伯衡及名儒朱德章與之講道論文殆無虛日復建寶訓堂專命來復作正心題道崇本敬賢四箴以自警

國初謫

為官不署

錢王役無

盤纏一時

法嚴如此

情狀若斯

王叔英有

孝子傳

○詔舉孝廉之士。○詔天下盡革今歲以上有司積歲官吏為民害者。至京論罪。並作築城役。有朱季用者。台州人。出薦知福州府視事。僅五月。以例起入京。法司一切論罪。作築城役。日用錢數千緡。季用又病痢。被楚。謂其子煦曰。吾資力豈堪此。旦夕死矣。汝收吾骸骨歸葬。爾胸惶懼。不敢離左右。復戒二弟共守。不少寐。季用得不死。時告在甚重。令益嚴告。而謫戍雲南者三人。被極刑者四人。煦謀於父僚同事者曰。吾無術以脫吾父。所不訴。皆死。萬一吾父由訴獲免。雖死萬萬無憾。遂陳其辭於通政司。通政司以聞。上憫其情。遂赦季用。復其官。

存心省躬
二卷

同事緣此得免復官者十有四人已而煦感疾死季用傷煦死病益甚亦死時人莫不哀傷之○命儒臣編集歷代帝王祭祀感召祥異可為鑒戒者萃為一書名曰存心錄又命編集漢唐以來災異之應於臣下者別為一書名曰省躬錄

再征雲南

王文與松
師未襄為
奸治之族
坐前
江亦民之
二卷

丙寅洪武十九年春命穎國公傅友德同長興侯耿炳文等再征雲南孫洞西浦貴州諸蠻平之○上謂李善長曰湖廣江西直隸府州縣六房有王文先生積年把持官府蠹政害民爾行文書盡數起取赴京發雲南五開等衛克軍○議定各處工匠驗其丁力以三年為限

體親之
翰班匠

更番赴京輪作名曰翰班匠免其家徭役者爲令

二月建馴象衛及太平所

高汝拭曰馴象衛之建所以控制兩省也兩江千里堤封溪同萬落制取鈴轄止有馴象太平不已薄乎且西北則僻野雜向自祀以南又隣交趾皆所當備者此南寧所以爲要不可不慎也

六月詔天下行養老之政上復謂禮部試尚書李原

名曰尚齒所以教敬事長所以教順虞夏商周莫不以齒爲尚而養老之禮未嘗廢是以人興於孝弟風俗淳厚治道隆平曩者詔天下行養老之政尚慮有司奉行不至爾其以朕命申之○蘇州府常熟縣知縣成茂奇判事堂上有府吏詣縣徑由中道入公堂茂奇怒其越

禮執之事聞上喜其能命以酒勞之○寧波府李仲

文遣吏馬仁生行縣違法慈谿縣縣丞秦仲彰械仁生

至闕下上嘉之陞仲彰為寧波府知府降仲文為慈

谿縣縣丞○平越衛麻哈苗蠻楊孟等作亂征南將軍

傅友德討平之○西平侯沐英請置雲南屯田從之○

處州麗水縣民有賣卜者嘗走謁富室不應所求乃詣

闕告大姓陳公望五十七人聚眾謀亂上怒命錦衣

衛千戶周原往捕之知縣倪孟賢聞原將至密召父老

詢之皆云無是事孟賢又微服往察見其男女耕織如

故乃歸調僚屬曰朝廷命孟賢令是邑惟欲輯撫斯民

倪孟賢亦良吏也即此一事其用心于民可知

威福不測其可欺舞其保子麻哈苗

保金壽良
之至計

安于田業。今使良善者受惡逆之名。皆朝廷命孟賢之意耶。即具疏。上聞復令耆老四十人詣闕訴其妄。上命法司論妄告者罪。賜耆老酒食及道里費遣還。七月詔舉經明行修之士。年七十以下者。郡縣禮送京師。○上諭禮部臣曰。比來有司不體朕意。士有耆年。便置不問。豈知老成。古人所重。文王用呂尚而興。穆公不聽蹇叔而敗。伏生雖老。猶足博經。豈可槩以耄而棄之也。若年六十以來。七十以下者。當置翰林以備顧問。六十以下者。則於大部及布政司按察司用之。○陸安侯王志卒。追封許國公。○御製大誥三篇成。頒示天下。

歸藏大誥

為防之策

初上以天下臣民。桀元之汙俗。往往不安。職繁。觸罹。憲章。欲做成。周大誥之製。以訓化之。仍取當世事之善。可為法。惡可為戒者。著為條目。大誥天下。既而又慮。誥條所載。未能盡天下之情。續為一篇。以申其意。使民觀。感知所勸懲。自是民之作非者。鮮從化者多。故又作三篇大誥。上親為之序。命宋國公馮勝。分兵置衛。控制大寧諸邊。

八月。上覽宋史。見太宗改封樞庫為內藏庫。顧謂侍臣曰。人君以四海為家。何有公私之別。太宗宋之賢君。亦復如此。但如漢靈帝之西苑。唐德宗之瓊林大盈庫。

不必深責也。宋自乾德開寶以來。有司計度支所缺者。必藉其數以貸。十內藏候課賦有餘。則償之。凡有司用度。國未大費。何以貸爲。缺而許貸。貸而復償。是猶爲商賈者。自與其家較量出入。及內藏既盈。乃以牙籤別其名物。參驗帳籍。晚年出籤示真宗曰。善。保此足矣。貽謀如此。何足爲訓。太宗首開私財之端。及其後世。困于兵革。三司財帛耗竭。內藏積而不發。間有發緡錢幾十萬。以佐軍資。便以爲能行其所難。總由太宗不能善始。故也。

九月。命榮陽侯李通等。領兵捕聚于廣西。左江之十萬。

山

丁卯洪武二十年正月大祀天地于南郊禮成天氣清明聖情豫暢侍臣進曰此陛下敬天之誠所致上曰敬天不獨嚴而有禮在其實天以子民之任付于君爲君者欲求事天必先恤民恤民者事天之實也即如國家命任守令之事若不能福民則是弃君之命不敬孰大焉又曰人君父天母地子民皆分所當盡祀天地非求福已實爲蒼生也○軍校丁成言河南陝州地有上紋下紋上黃塘下黃塘者舊產銀礦前代嘗採取今錮閉已久請復開之上謂侍臣曰凡此言利之

臣皆戕民之賊。朕開元時，江西豐城之民，告室採金，其初茂，額猶足取辨。經久，地產既竭，民力消耗，一州之人卒受其害，豈空效之。

二月，上躬耕籍田，遣官享先農，禮成，宴羣臣于壇所。諭之曰：耕籍，古禮也。一以供粢盛，一以勸農務本也。朕卽位以來，恒舉行之。惟欲使民盡力於田畝，以遂其生養，非事虛文也。今禮成，與爾羣臣享胙于此，非徒爲宴飲之樂，正欲羣臣知重農之意。○上讀洪範，太息以爲：天人之大統也。以敘彞倫，立皇極，保萬民，叙四時，成百族，皆本于天道而驗于人事。箕子爲武王陳之，武王

皇祖英明
無微不至
故一時任
事之人亦
不敢欺以
私公即有
一二賢守
守初未嘗
不銳意天
量而積年
山悅巧
貴生竟係
勤苟且
成可奈何

猶曰此五帝之道也。我未有能焉。朕每為惕然。命儒臣
揭之座右時覽焉。自為訓釋。○置兩浙防倭衛所。○浙
江蘇州等處進魚鱗圖冊。先是命戶部覈實天下田土
而兩浙富民畏避差役以田產詭寄親隣佃僕謂之貼
腳詭寄相習成風奸弊百出謂之通天詭寄而富者益
富貧者益貧矣。上聞之遣國子監生武淳等往各處
隨其稅糧多寡定為幾區區設糧長四人使集糧長者
民躬履田畝以量度之圖其田之方圓次其事悉書主
名及田之四至編彙為冊其法甚備謂之魚鱗圖冊至
是成上之

以理御數
助得其常
者多

按宋季朱子知漳州以版籍不正田稅不均貧者有稅無田富者有田無稅公私不勝其弊嗟倦議行經界國初魚鱗冊配經界意也嗚呼自井田之法廢而民得兼井自限田口分世業之制不行而富者田連阡陌貧者地無立錫君子已爲之長太息矣至是復增詭膏之弊富者坐享無稅之田貧者空納無田之稅富者無稅而差輕貧者稅多而役重富者益富貧者益貧無惑矣歷考前代禍亂多由于貧富不均使奸雄得以爲辭我聖祖所以深惟厝火積薪之慮而亟加整頓也今日此弊視國初並甚矣經世君子其可忽乎

三月上御華蓋殿侍臣進講因論人之善惡感召亦有不得其當者上曰爲惡或免于禍然理無可爲之惡爲善或未蒙福然理無不可爲之善人惟修其在已者禍福之來則聽于天彼爲善而無福爲惡而無禍者特

時有未至耳。

三月雲南左布政張統秩滿來朝。上以統在雲南能撫綏夷人，俾復職，賜書勞之。

防倭

夏四月，命江夏侯周德興往福建築城練兵防倭。

都御史詹徽奏有軍人犯罪當杖，其人嘗兩得罪，宥免。宜并論前罪誅之。上曰：前罪既宥，今復論之，則不信矣。使人何所措手足？且其罪至死而縱之，則爲縱惡，不至死而誅之，則爲濫刑。今罪未至于死而輒欲殺之，在爾有故入之罪，在朕無恤刑之仁，皆不可也。杖而遣之。

○儀禮司官蠻子錐撫張允恭以所送乃刺吾至馮勝

罪稱其惡
則刑平矣
聖祖比論
可爲萬世
法獄之法

營勝復遣人送入納哈出所。丁酉，馮勝等至遼河之東，獲納哈出屯卒三百餘人，馬四十餘匹，遂進師駐金山之西。是時乃刺吾還至松花河，見納哈出，納哈出大驚，曰：「吾謂汝死矣！」今日乃復得相見，執手勞問，慙慙乃刺吾因諭納哈出朝廷所以送還之意。納哈出喜，卽遣其左丞劉探馬赤叅政張德裕隨使者張允恭等至勝軍獻馬，欲因以覘我勝遣人送赴京師。旣而納哈出送乃刺吾至漠北，虜主欲殺之。左右諫曰：「乃刺吾久被俘囚，今獲生還，奈何殺之？因得免，復還納哈出所，備以朝廷撫恤之恩語其衆，由是虜衆多有降意。」時臨江侯陳鏞

納哈出降

殘元臣降

已盡惟納

出尚擁衆

金山數提

之至是始

降

所部與大將軍異道相失遂陷虜死之○大將軍馮勝

率師踰金山至女直若屯納哈出部將全國公觀童來

降初納哈出分兵爲三營一日榆林深處一日養務莊

一日龍安一禿河輜重富盛畜牧蕃息虜主數招之不

往及是大將軍逼之納哈出計無所出乃刺吾因勸之

降納哈出猶豫未決大將軍馮勝遣馬指揮往諭之納

哈出乃遣使至大將軍營陽爲納欵而實覘兵勢勝遂

遣藍玉往一禿河受其降虜使見大將軍勝還報納哈

出聞之乃指天噴噴曰天不復與我有此衆矣遂率數

百騎自請玉納降玉大喜出酒與之飲甚相歡納哈出

因酌酒酌玉。玉請先之。納哈出卽飲訖。復酌以授玉。玉解衣以衣之。謂曰。請服此。而後飲。納哈出不肯服。玉亦持酒不飲。爭讓久之。納哈出取其酒澆地。顧其下咄咄語將脫去。時國公常茂在坐。其麾下趙指揮者解胡語。以告茂。謂其欲遁也。直前縛之。納哈出大驚起。欲就馬。茂拔刀砍之。傷臂不得去。都督耿忠遂以衆擁之。見勝納哈出所部妻子將士有十餘萬。在松板河北。聞納哈出被傷。遂驚潰。余衆欲來追。勝遣前降將觀童往諭之。於是乃降。勝以禮待哈出。令耿忠與同寢。食徒聞上茂罪狀。令械茂至京。茂勝之婿也。勝每于衆中卑折。

之茂不能堪。出不遜語。勝卽之。乘納哈山之降而歸。於茂。茂至。會有言勝娶虜妃者。受其良馬者。又有言其失騎三千者。故茂得自陳其所以。并許勝過。上曰。如爾言。勝亦不得無罪。收其大將軍印。召還京。茂削爵安。置嶺右。○真臘國貢象及香。

按真臘本扶南屬國。一名占臘。在東海中。隋始通中國。唐神龍中。并扶南。而國分爲二。其南近海。多陂澤。爲水真臘。北多山阜。爲陸真臘。後復合爲一。宋宣和初。封爲真臘國王。慶元中。破占城。立其國人爲占城王。占城遂爲屬國。又有象半真里。登流眉。蒲甘等國。皆屬真臘。聚象人衆。地亦廣。其俗尚侈華。陳向爲上。右手爲潔。縣鎮風習。大類占城。王二日一視朝。婚娶。然燈。不忌。視力耕種。產銅金。諸香象。翠羽。嘉樹異魚。洪武六年。來貢。至是。正慈利保昆耶耳。若青遺使貢象。五十九隻。香六萬。

八月封何真爲東莞伯。

真自歸附以來，歷山東、江西、參政、山西、浙江、湖廣，布政使致仕。至是念其歸附之誠，授以封爵，仍賜第于京師官。

其三子。

九月故元納哈出降，赴京入見。上賜一品服，封爲海

西侯。其所部官屬悉賜衣服冠帶，授以指揮千百戶。有差，俾各食祿，不任事。分隸雲南、兩廣、福建各都司處之。
○乙未，萬壽聖節，受朝賀，宴羣臣於奉天殿。皇太子宴國戚暨東宮官於文華殿。

十月，歷代忠臣廟于鷄鳴山之陽，每歲致祭，著爲祀典。
○上與諸將論兵政，上曰：「國家用兵，猶醫之

終始隨時
生事四夷
無病而服
藥也宋進
金禍使首
以貢金帛
不能一夫
加遣是畏
瞑眩而甘
受其病也

用藥可蓄藥以治疾。不可無疾而服藥。國家未寧用兵。以戡定禍亂。及四方承平。只宜修甲兵。練士卒。使常有備。蓋兵能弭亂。亦能召亂。若恃其富強。喜功生事。結怨。啓釁。適以召亂。正猶醫家妄以瞑眩之藥。強進無病之人。縱不殘軀殞命。亦傷元氣。爾等皆有軍旅之寄。宜深體朕意。上以北方學校無明師。生徒廢學。命吏部選南方學官有學行者教之。○永城侯薛顯卒。追封永國公。○以河南府學訓導葛鈞為翰林侍講學士。十二月命征虜大將軍永昌侯藍玉。右副將軍武定侯郭英。統大軍征北虜。又命靖寧侯葉昇。普定侯陳桓。統

征北虜討
東川逆寇

兵征東川普定等處蠻寇。○上以武臣出自戎伍，罔知
憲典，往往罹法。乃親製大誥二十二篇，訓之。俾知守紀
律，撫軍士，立勲業，保爵位，并令其子孫誦習。○晉府長
史桂彥良卒。

史吳縝曰：漢高不事詩書，徂于馬上之習，晚年得陸
賈，不過發橫策畧之餘。先武號稱講藝論道，而一時
儒彥寂寥無聞。一子陵，不屑就。唐太宗、宋太祖雖
皆好文之主，而溺于文詞，粗于習俗。帝王之道，稽古
之學，槩未之聞。我聖祖以武功定天下，而崇尚文
學，如飢渴之于飲食，每得儒臣，皆待以腹心。惟歷朝
夕咨訪不倦，而往往徒成諸將親近儒生，至于解經析
義，又多天縱神啓，有非老師宿儒之所能及。是豈溺
冠屨罵者所能彷彿其萬一哉？但一時將畧足備戡
定，而文儒相牽，猶不甚稱。聖心至使不得已而委
致于庸輩，是豈其所欲也？故于陶安之卒，其加
俸借，晚年丞相稱桂彥良之賢而不及用，惜哉。

○封都督張赫爲航海侯

赫先以軍功歷陞至都督。洪武己未。命督遼東海運。至是每歲一行。折衝風濤。勤勞。行至軍食賴之。同時有都督朱壽者亦以督運糧餉有功。封和順侯。

皇明通紀法傳全錄卷九

東莞 陳建 著輯 西湖高汝棧 叅訂

雲間 吳楨 增刪 高 鼎煊 校

貽穀

戊辰洪武二十一年正月命潁國公傅友德統蕃漢大軍征雲南。諸蠻寇。○雲南平緬蠻叛結砦於馬龍他郎甸之摩掌勒。總兵沐英遣都指揮甯正擊破之。○諭吏部曰。爲國以任人爲本。作姦者不以小才而貸。果賢者不以小疵而棄。姦者必懲。庶不廢法。宥過而用。則無棄人。諸城知縣陳允恭。前任以簿書之過。謫戍雲南。比有言其治縣時能愛民者。卽有過亦可用也。召復還其官。

愛民之過
其過可知

○陞浙江道御史凌漢爲右都御史。漢鞠獄平恕。人有德漢者。遇諸途。厚報以金。漢曰。子非常爾。律有定法。非我私子。何以金爲。廉得其事故有是擢。

二月詔以歷代名臣從祀歷代帝王廟。

風后力牧。皋陶。夔。龍。伯夷。伯益。伊尹。傳說。周公旦。召公奭。太公望。召虎。方叔。張良。蕭何。曹參。陳平。周勃。鄧禹。馮異。諸葛亮。房玄齡。杜如晦。李靖。李晟。郭子儀。曹彬。潘美。韓世忠。岳飛。張浚。朱華。黎博爾。忽博爾。木赤。老溫。伯顏。凡三十有七人。

遣官祀歷代帝王。初。帝王廟爲五室。祀伏羲至元世祖。凡十七帝。至是去隋文帝。凡十六帝。○故元四大王來降。上憫而宥之。且厚其賜。資命隨西平侯沐英戍守。

平緬平
英多用火
銃然必懸
以三行象
與人馬乃
始動走不
若用電掃
雷九節即
突出自能
為繼聲聞
隨髮

雲南○大將軍藍王送降胡寡婦一百六十二人至京
上以綺帛鈔錠給賜之

三月平緬思倫發後舉衆號三十萬戰象百餘寇定遠
沐英自將精銳二萬往討之旬餘抵賊營遣都督馮誠
以輕騎三百挑之賊驅萬衆乘二十象來戰誠一戰殺
賊數百人獲一象而還英喜曰吾知賊不足破也即令
諸將曰破賊之術多置火銃神機箭分吾將士作三行
俟彼象近則前行之銃箭齊發若象未退則第二行者
繼之第三行者又繼之銃聲不絕象自反走然後大軍
乘之破之必矣明日賊悉衆驅百象來戰象皆披甲背

負戰樓若欄楯然。挾大竹筒於兩傍。置短鎗其中。標射遠近。英分軍爲三。命馮誠領其前。寧正領其左。都指揮湯昭領其右。復申令曰。今日之事。有進無退。進而捷者。一級必重賞。退而斃者。一隊必盡戮。於是將士皆鼓勇而進。陣旣交。彼象在前。我前軍火箭銃砲連發。雷擊電走。山谷震動。象皆反走。寇之勇而力者曰。昔刺亦殊死戰。我左師小却。英登高望之。命左右取帥之首來。左帥遙見一人拔刀飛騎而下。麾衆復前。英貴戰益急。三軍大呼而鏖。賊衆大敗。斬首三萬餘級。俘萬人生。獲七十四象。餘象皆被矢如刺。蝟以死。巨帥刀斯郎斯郎理各

中百餘矢、斃象背、上者相枕、藉思倫發遁去、生還者百無二三、自是諸夷警服、平緬歲入貢賦、不復反矣。○策士於奉天殿、賜任亨太廬質進士及第、以亨太爲翰林院脩撰、質編脩

亨太廬陽人 上命建狀元坊、以榮之、建坊自此始
質寧海桑州人 上奇其策、擢實第三、後歷太常少卿、戶部侍郎、死於官、

以卓敬爲給事中、卓性剛直、論事無所顧避。上器重之時、諸王在宮中、服飾有擬太子者、敬乘間白於上。上曰：「宮中朝廷視效、紀綱攸先。今陛下於諸王不早辨等威、而使在宮中服飾有與太子埒、嫡庶相亢、尊卑無序。」

觀此卓敬
有長橋之

風高
有識者先
見

則何以令天下耶。上笑曰。卿言是。但吾慮未及此耳。

卓敬浙江瑞安人。是年進士。建文中遷禮部左侍郎。嘗密奏防宗藩之變。後竟死。建文之難。

以齊太爲禮部主事。旋轉兵部。時雷震謹身殿。上禱

郊廟。太歷官九年。得臨祀。賜名恭。

太深。水人。舉任事。太榜進士。洪武三十三年。陞兵部左侍郎。明年進本部尚書。上召太問邊將姓名。太歷數無遺。又問諸圖籍。太進神手冊。進簡要詳密。上大奇之。是年閏五月。受顧命。輔皇太子。

上召試官陳宗順等。諭之曰。今日觀列子。鄰子竊鐵之事。因思人之疑信。皆生於心。信心常出於忠厚。疑心必起於偏私。夫信其所好。疑其所惡。乃人之常情。是故不可不察也。君之於臣。好而信之。讒言雖至。而不入。惡而

執中正守
之論

不難於歸
命而難於
踏後一心
事上

疑之。毀謗不召而自來。苟能以大公至正之心處已待
人。則自無獨信偏疑之私。其或反乎公道而不得好惡
之正。未有不流於一偏者也。因給紙筆令諸儒撰疑信
論。○上覽史因論田子方貧賤驕人之說。上曰。驕凶
德也。富貴而驕人。則不足以得天下之士。貧賤而驕人。
適足以取辱於已。要之君子當以恭敬為本。子方之言。
抑揚太過。蓋有所激而云。○東莞伯何真卒。上親為
文遣官諭祭之。命其子榮襲封東莞伯。

按真能保境安民。識時達變。歸命真主。光被寵崇。
策勲盟府。大非一時羣雄所及。歸朝之後。復能一心
事上。上風夜畏。威惟勤。一時黨禍方熾。而真獨無所
染。事高皇帝。踰二十年。未聞有微譴加焉。此尤一

時功臣所難也若
真者可以爲賢矣

四月藍玉等率師由大寧進至慶州聞虜主脫古思帖木兒在捕魚兒海間道兼程中進師至百眼井去海四十餘里哨不見虜欲引兵還定遠侯王弼曰吾等提十餘萬衆深入虜地今略無所得遽言班師勞師費財何以復命玉深然之戒諸軍皆穴地而爰毋令虜望見烟火師遂進丙辰黎明至捕魚兒海南飲馬偵知虜主營在海東北八十餘里玉以弼爲前鋒直薄其營虜始謂我軍乏水草必不能深入不設備又大風揚沙晝晦軍行虜皆不知虜主力欲北行整軍馬皆北向忽大軍至

其太尉蠻子率衆拒戰敗之斬蠻子及其軍士數十人其衆遂降虜主脫古思帖木兒與其太子天保奴知院捏怯來丞相失烈門等數十騎遁去玉率精騎追之出千餘里不及而還獲其次子地保奴等六十四人及故太子必里禿妃并公主等五十九人其詹事院同知脫因帖木兒將逃失馬竄伏深草間禽之又追獲吳王朶兒只代王達理麻平章八蘭等二千九百九十四人軍士男女寶璽圖書金銀印馬駝牛羊無筭遣人入奏遂班師

按初元順帝遁于沙漠既而國人謚曰惠宗太子愛猷識理達臘立十一年殂謚曰昭宗次子益王脫古

思帖木兒立九年值藍玉北征益王走至也速迭兒之地爲下所弑其部屬皆奔散其後裔自是日微今所稱小王子卽元裔也正統中之也先近日吉囊俺荅不孩之屬皆小王子之強臣也

都督俞通淵何福又帥師至曲津運河招降平章阿晚木等人口馬駝亦萬計乃旋師是役方大軍之追虜也進次遊魂南道無水軍士渴甚至一小山下忽聞有聲如礮使人視之則四泉湧出土馬就飲得不困乏餘流溢出如溪衆咸懽呼曰此朝廷之福天之助也先是上嘗夢殿西北隅有小山流泉直下至御足所履而止至是泉湧悉與夢符○玉等還至京獻俘上大喜頒賜褒之進封藍玉涼國公食祿三千石賞郭英白金千兩

元主妃恚
死入瘞矣

元主妃恚
死自盡夷
狄之人尚
存羞惡良

鈔八百錠、彩緞四十疋、餘有差。

五月乙酉、五色雲見。○都督張銓從征平東川蠻有功、封永寧侯。

七月、贈故金山侯濮英爲樂浪公、尋封其子璵爲西涼侯。○宋國公馮勝往東昌等處調達軍、隨雲南達兵至常德、四川等處皆叛、命鳳翔侯張龍統兵追至重慶、悉誅之。○藍玉遣人送虜主次子地保奴及后妃公主等至京地、保奴及后妃獻金印、金牌、賜鈔二百錠、命有司給第宅、廩餼、俾就居京師。旣而有言王私元主妃事、上怒曰：「玉無禮如此，豈大將軍所爲哉！」元主妃聞之惶

心使信謀
實其何不
拒之於初
豈是豈可
以春秋之
法責異類
也哉

些王淫汚
元妃不但
損德乃千
古之玷
以慎厥終
凶乎天威

懼自盡地保奴由是有怨言。上聞之曰朕初以元世

祖主中國時有恩惠于民不可無嗣。嘗與儒臣議欲封
地保奴以盡待亾國之禮。彼乃如此。豈可以久居內地。
於是遣使護送居琉球。仍厚遺資遣之。○海西侯納哈
出卒。命其子蔡罕襲爵。改封瀋陽侯。

八月丁卯。征虜大將軍永昌侯藍玉等還朝。上謂玉

曰爾率將士北征。功最大。然虜主如來降。不能遇之以
禮。乃縱欲汙亂。又嘗恃勞遣人入朝。覘伺動靜。此豈人
臣之道哉。今憫爾功勞。屈法宥爾。爾其率德改行。以慎
厥終。玉頓首謝。於是論功行賞。併左副將軍延安侯唐

燕然

賦于前辭

阿資隆

勝宗右副將軍武定侯郭英各賜白金鈔文綺有差○
宴征北諸將於奉天殿。上賦平胡詩二章。命羣臣和
之。○御製諭武臣勅頒之將士。一曰守邊之將撫軍以
恩。二曰邊境城隍務宜高深。三曰修築城池葺理以漸。
四曰操練軍士習於閒暇。五曰軍士頗舍勤於點視。六
曰體念軍士毋以加害。七曰事機之會同僚盡心。八曰
沿海衛所嚴於保障。凡八條頒之將士永爲遵守。○安
慶侯仇成卒追封皖國公。

九月傅友德等將兵討阿資道過平夷以其山勢峭險
密通龍海宜築堡駐兵屯守以捍蠻夷遂遷其山民往

居早上村留神策衛千戶劉成等領兵千人樹柵置堡其地後以爲平夷千戶所阿資等率衆寇普安燒府治大肆剽掠因屯普安倚崖壁爲寨傅友德等以精兵感之蠻衆皆緣壁攀崖墜死者不可勝數生擒一千三百餘人阿資遁還越州沐英遣都督霽正從傅友德擊阿資於越州敗之斬其黨大頭并宗等五十餘人阿資勢窮蹙與其母請降初阿資之遁也揚言曰國家有萬軍之勇而我地有萬山之險豈能盡滅我輩英乃請置越州馬隆二衛扼其衝要又分兵追捕至是勢窮遂降○時廣西江西指揮耿良戴宗以科歛激變致亂坐罪

上曰武臣不知受命守禦之方與夫崇名爵享富貴福
及子孫之道乃爲保守勅頒之使知鑒戒○勅五軍都
督府申論天下循所屯種○進封永昌侯藍玉爲涼國
公孫恪爲金寧侯

功過不掩
聖主哉

恩隆寵篤

按王征北還論功行賞擬封王梁國公適有發其私
元主妃者上聞大怒事中止至是念其勞改封涼
國公仍鐫
是過于衆

信國公湯和鳳陽新第成和率妻子謝上降手勅褒

嘉賜金銀鈔綺不貲○以庶吉士解縉爲監察御史未

幾遣歸進學縉吉水人天性英悟奇絕七歲能賦詩日

記數千言年十八舉江西鄉試第一連登是年進士

封事萬言
皆治平良
視已遲刻
呈明文疏

後凡章奏刻硃歸者皆不贅

言臣悉心而議君問無比

受鑲玉虎雖父子無此真切

中字精誠

上親選授爲庶吉士讀中秘書日侍左右特被寵眷一日寓大庖西室諭之曰爾縉試舉今日施政所宜直述以聞縉退卽草封事凡萬言以進極論悉陳無所諱忌上嘉其識時兵部侍郎沈潛忌縉才誣其狎侮胥隸上不聽擢監察御史適都御史袁泰怙勢恣橫諸道御史欲糾之無敢執筆爲章者縉揮筆立就歷詆其奸狀上慮縉少涵養將爲衆所傾召其父至諭之曰才之生甚難而大器者晚成其以而子歸益進其學又諭縉曰朕與爾義則君臣恩猶父子其歸盡心于古人後十年來朝大用爾未晚也○沐英自雲南入朝尋復還鎮立

衛越州屯兵守之

沐英自丁卯廣西何赤部酋長曰者滿曰實情結越州
阿資爲叛英自將禱者滿實情誅之阿資亦降戊辰河
資復叛遣寧正討之殺火頭并宗等五十八人餘獲千
計阿資毋山降及是入朝上晏於奉先殿賜金銀鈔
綺不貲爲鳳陽造第上諭之曰朕聞雲南諸夷皆心
服爾宜亟回以安之英乃回蠻酋長越境款降回鎮二
年順寧蠻猛吳馬成因爭龍甸遷怒傷官軍遣都指揮
俞輪問罪問服不肯阿資復叛英親提兵至捕衝殺獲
殆盡阿資僅以身免方搜捕逃匿有旨諭英還鎮阿資

善戰而兼
以理財者
也

見聖主報
功之厚

遣子出降英請於朝立衛於越州屯兵以鎮越州平英
在鎮治水利通鹽井墾屯田軍食饒足

阿資者土官龍海之地越州夷言為苦宗部元末龍
海居之部屬俱羅羅種王師征南時英駐其地之陽
陰山諭降之龍海遣子入朝詔以龍海為本州知
州尋復為亂英以計擒之徙居遼東至益州病死阿
資繼其職益禁
驍梗化而叛

上以天下無事憫諸將老欲保全之詔從公侯各還其
鄉於是定遠侯王弼武定侯郭英南安侯俞通源各
辭賜資有差

陳建曰我太祖之報功臣可謂無所不周無所不厚
矣崇其爵焉重其祿焉未也復有山田之錫焉有佃
戶儀仗戶守墳尸之錫焉賞延於世嫡傳末也象子
庶子皆官焉非子尚公主則女為王妃焉猶未也其

還鄉也。有安富厭家之金帛焉。有造第之繼錢焉。有
其先營之鈔策焉。自秦漢而下。報功之典。未有如此
其周且厚者。厥後功臣多

不克終。亦其自取也夫。

高汝栻曰。聖祖待功臣厚矣。然覽廣彙所記。不無
疑焉。記云。常遇春北征。道經山西某縣。晉恭王晏勞
之。同吳侯伯四人。次日皆中毒死。或以王受上旨
故爾。徐達病疽。上問所欲食。達奏欲食白馬肉。
上殺御廐白馬以賜。不踰日。達死。湯和將歸鳳陽。辭
曰。臣年力頽邁。聖恩宥命。上變色曰。公開國功
臣。當同享富貴。何出此言。比離京。泊河間。舟漏淹死。
乃舟人密受上旨。鑿舟沉之。宋濂安置夔州。將糶宋
無人與易。枵腹三日而死。未至郡時。已有旨令閉
門。事皆未必然。然焚極則危。功高不賞。古記之矣。

十二月。安南黎季犛弑其主煒立。叔明子日焜王國事。

東夷遼王惠寧王朵顏元帥各遣人來朝。

己巳。洪武二十二年。改詹事院為詹事府。以兵部尚書

四處來朝
以我城大
軍又得王
祥等守禦
也自大寧
捐棄廟門

始鮮而陵
寢不寧矣

皇明世宗憲皇帝

卷九

十

致仕唐鐸仍兼詹事。洪武初太子居文華堂諸儒已迭
班侍從。當時東宮官皆勲舊大臣兼之不別設府院。至
是上謂吏部臣曰朕觀歷代賢明之君於輔導太子必
擇忠正賢良之士。今東宮官屬未設衆務無所統領。唐
鐸爲人謹厚有德量亦當是任。其以鐸爲詹事仍兼尚
書之祿。

鐸鳳陽虹縣人爲人重厚慎密。太諸稱其始友及
臣數十年交不知變色。絕不出惡聲。其德量可見。

二月命列侯諸將練兵西北諸塞。○禁武臣不得預民
事。先是命軍衛武臣管領所屬軍馬除軍民詞訟事重
者許約問外其餘不許干預。至是廣西都指揮耿良造

置三衛

譙樓令有司起發民丁科歛財物青州衛造軍器亦擅
科民財違越禁例於是詔申明其禁凡在外都司衛所
遇有造作千戶所移關達衛衛達都指揮使司司達五
軍都督府奏准方許興造其合用物料金自官給毋擅
取於民違者治罪○詔以兀良哈之地置朶顏泰寧福
餘三衛時大軍征敗北胡朶顏元帥等各差人來朝願
爲外藩詔以其地置三衛自全寧抵喜峰近宣府曰朶
顏自錦義歷廣寧至遼陽曰太寧自黃泥窪踰瀋陽鐵
嶺至開原曰福餘以其酋爲指揮等官各統所部自是
每歲朝貢

元良哈古山戎也歷代
爲源莫奚契丹之種

遣行人齋勅旌溫州府平陽縣知縣張礎先是通政司
言金華金鄉衛因造軍器意在擾民礎執法不從上
嘉賞其稱職特遣賜鈔并酒以旌其能

吳棧曰甚哉聖主之嘉意守令也一勞丹徒知縣
胡孟通金壇縣丞李思進又勞嘉興崇德縣知縣畢
輝常州知府范好古蘇州知府王觀等上旣嘉獎
如是下必益勵厥志以報聖明循良之效有不臻
也哉

改給事中魏敏卓敬等爲士源初敏等八十一人爲給
事中上以其適符元士之數改爲元士至是又以六
科爲事之本源改爲源士尋復改爲給事中○狼洞黃

平蠻作亂命穎國公傅友德討平之置興隆衛隸貴州都指揮使司○七月故蒙古部虜也速迭兒殺其主脫古思帖木兒而立坤帖木兒○更定大明律書成命頒行之○改大宗正院爲宗人府以秦王爲宗人令

三月庚午朔遣使命穎國公傅友德等還軍分駐湖廣四川衛所操練友德駐沅州申國公徐允恭駐常德曹國公李景隆駐安陸開國公常昇駐辰州靖寧侯葉昇駐襄陽普安侯陳桓駐岳州雄武侯周武駐武昌吉安侯陸仲亨駐蘄州安陸侯吳傑駐恭陵東平侯韓勳駐黃州東川侯胡海駐寶慶南雄侯趙庸駐長沙宣寧侯

曹泰駐瞿塘。宣德侯金鎮駐施州。靖海侯吳禎駐衡州。江陰侯吳高駐永州。金寧侯孫恪駐沔陽。延安侯唐勝宗駐黃平。都督張銓。王誠。孫彥駐桂陽。忠州。道州。信國公子湯昂。六安侯子正威駐長寧。夷陵。論友德等曰。西南蠻夷自昔號稱難服。所以然者。其高山深林。草木叢密。夏多霧雨。地氣蒸濕。蛇虺蚊蚋之毒。隨處而有。人入其境。不服水土。則生疾病。所以功多不就。今得爾報。已平東川。降阿資。大勢已定。然諸蠻夷易變生亂。朕恐大軍一回。彼復跳梁。聚豈不重勞吾將士乎。今且還軍。分駐要地。一以休息士卒。一以控制夷蠻。使至爾等。

平百夷思
發

一如所諭。○百夷思倫發寇摩沙勒及定邊西平侯沐英率兵討之。思倫發凡再拒戰皆敗。乃遣其把事招綱等至雲南言往者叛逆之謀實非已出。由其下刀廝郎刀廝養所爲乞貸其罪。願輸貢賦。雲南守臣以聞。上乃遣大用賚勅往諭。思倫發大用既至麓川。思倫發聽命。遂以象馬白金方物入貢謝罪。大用復令思倫發追獲雲南逃去叛賊自處等二人。把事刀廝郎等一百三十七人百夷遂平。○上謂侍臣曰。興治之要當進君子退小人也。兵部尚書沈縉對曰。君子小人未易識。上曰。獨行之士不隨流俗。正直之節必異庸常。譬如良玉。

自是帝王
格於此
想見聖祖
鑑諸之妙

委於污泥其色不變。君子雜於衆人，德操自異。何難識也。縉又曰：自古君子常少，小人常多，亦患難去。上曰：善者進之，足以勸善；惡者去之，足以懲惡。故太陽出而羣陰伏，賢者舉而不仁者遠。夫何難去哉。上御謹身殿，翰林學士劉三吾侍，因論治民之道。三吾言：「南北方俗不同，有可以德化，有可以威制。」上曰：「地有南北，民無兩心。帝王一視同仁，豈有彼此之間。汝爲南方風氣柔弱，故可以德化；北方風氣剛勁，故當以威制。然君子小人何地無之？君子懷德，小人懷威，施之各有攸當。烏可槩以一言乎？」三吾愧服，稽首而退。上退朝，與侍

寅學錄大
故者作奇
新翼六經

臣論及守成之道。上曰：人常慮危，乃不蹈危；常慮患，乃不及患。車行於峻坂，而仆於平地者，慎於難而忽於易也。保天下，亦如御車，雖治平，何可不慎？○以撫德州同知陳襲為太僕寺少卿。

襲故元御史，嗣壽之子，坐罪當戍，上念其父死節，特宥之，擢是職。

十月徵處士梁寅卒。

寅字孟敬，臨江人，家貧力學，一時名士多與之遊。上徵天下名儒脩述禮樂，寅就徵已六十餘矣。在禮局中，討論精密，諸儒推服，將授之官，以老病辭。歸結菴石門山，稱為梁五經。至是卒，年八十二。

作帝王廟於欽天山。上素重祀典，其於古帝王尤所致意。先是，廟地界通衢，褻而不嚴，命徙建於欽天山之

讀公英姿
飄飄猛奪
虎視威靈
剽南蠻夷
梟魄

陽自五帝三王繼以三代兩漢唐宋元勲碩德比侔者
列像於庭每歲春秋二祭上御宸極命大臣承詔祀
事

高汝柢曰初歷代帝王廟成上親祀之各獻爵畢
獨與漢高祖增一爵曰我與公不階尺土以有天下
比他入更難特增此爵廟中帝王皆塑像惟元世祖
像出淡痕透其面上笑曰癡癡子爾失天下失爾
漠北之所本無我取天下取我中原之所
本有復何遺憾言罷淚即收不復出

故元遼王阿札失理寇邊屯朶顏山命傅友德郭英總
兵討之五月至哈者舍利王友德遽下令班師虜聞之
以爲然越二日復趣師深入六月至黑嶺鴉山等處次
洮兒河獲人口馬疋數多七月還至金鞍子山復至黑

嶺寒山至磨鎌子海打蘭尖山追虜酋札都遂征黑松
林之北野人所居熊皮山追達達兀刺罕掩襲虜衆大
獲人馬而還○我朝論開國功者必以六王爲稱首然

詔定建寧貢茶額例其猶在寧河東甌上與開平岐陽

按天下產茶去處歲貢皆有定額惟建寧茶品爲上
所產有探春先春次春紫芽及芽新等號其所進者
必碾而揉之爲大小龍團上以重
勞民力罷造龍團惟採茶芽以進

立草場牧馬及寬各處稅局司商稅

庚午洪武二十三年春正月癸亥入南斗○詔燕王及
晉王分道伐虜○高麗國相李仁人囚國王禰而立子
昌爲王遣使姜伯淮來貢尋仁人子成桂廢昌而立定

昌國院君王瑤主國事遣使來言國王王昌非王氏後實辛旽子禰之子國中人民多不信服故別求王氏宗親定昌院君王瑤迎立嗣位以續王氏之後伏望朝廷允所請上諭禮部尚書李原名曰高麗隈山隔海其人多詐今云廢黜異姓擇立王氏宗親則前者來言童子入朝吾不聽者意必執國政者所爲今其情見矣且其真僞莫知若果爲本國人民所推亦聽其自爲倘陰謀詐立一旦變更盡爲虛妄必將禍起不測皆自取也爾且備咨其國人知之○命削潮州府學生員陳質兵備遣歸進學通政使茹常引奏潮州府學生員陳質言

君之仁若
香養士我
太祖實可
當之
惟聖人能
選捷

父戌太寧已死。今有司取其補伍。自念從幼至今。荷國
恩教育。願賜卒業。以圖上報。上謂兵部尚書沈縉曰。
國家得一卒。易得一才。難。此生既有志於學。可削其兵
籍。遣歸進學。縉對曰。此生學未見成效。若遂削其兵籍。
則缺軍伍。上曰。人才必養之於未用之先。而用之於
既成之後。譬之稼。必豫耕。而後有獲。若刈不待熟。則無
用矣。且事有輕重。難拘一律。苟軍士缺伍。不過失一力
士耳。若獎成一賢才。以資任用。其繫豈不重乎。○燕王
師至進都。故蒙古太尉乃兒不花丞相咬住忽哥赤知
院阿魯帖木兒等皆降。先是王師既出古北口。文皇帝
皇明法傳錄卷九 高皇帝

臨塞諭諸將曰。吾與諸將軍受命。提兵沙漠。掃清胡虜。今虜無城郭。居止其地空曠。千里行師。必有耳目。不得其所。難以成功。諸將皆諾。卽發騎哨得虜跡。知乃兒不花等駐廬帳于迤都。遂進兵。適大雪。諸將欲止。文皇帝曰。天大雪。虜必不虞我至。宜乘雪速進。遂抵迤都。隔一磧。虜不知也。乃先遣指揮觀童。徑詣虜營。觀童與乃兒不花兒舊至。卽相抱持而泣。倉卒之頃。我師已壓虜營。虜衆大驚。乃兒不花等欲上馬走。觀童諭以文皇帝至。毋恐。乃兒不花素聞文皇帝威德。遂不去。觀童引之來。見文皇帝。降辭色以待之。卽賜之酒食。令醉飽。慰諭遣。

還營、虜甚喜過望。遂無遁意。將至營、又復召來。如是者三。於是悉收其部落及馬、駝、牛、羊而還。遣人報捷京師。
○肅清逆黨、榜列勲臣凡五十七人。功高望重、連歲曾總兵者八人。曰魏國公徐達、曹國公李文忠、宋國公馮勝、衛國公鄧愈、信國公湯和、長興侯耿炳文、江陰侯吳良、西平侯沐英、專簿書而聽指示者一人。韓國公李善長、以義氣而封者三人。滎陽侯鄭遇春、六安侯王志平、涼侯費聚、所在隨軍征討、累有戰將之功、未有總兵之名、而論舊封者十九人。江夏侯周德興、華昌侯郭子興、南雄侯趙庸、安慶侯仇成、崇山侯李新、南安侯俞通源。

永平侯謝成鳳翔侯張龍靖海侯吳禎東勝侯汪興祖
普定侯陳桓航海侯張赫舳舻侯朱壽德慶侯廖永忠
臨江侯陳德濟寧侯顧時延安侯唐勝宗吉安侯陸仲
亨淮安侯華雲龍建功者十五人
穎國公傅友德京國
公藍玉靖寧侯葉昇會寧侯張溫定遠侯王弼武定侯
郭英景川侯曹震懷遠侯曹興雄武侯周武安陸侯吳
復宜德侯金朝興永成侯薛顯東川侯胡海鶴慶侯張
翼永嘉侯朱亮祖因父功而封者四人
開國公常昇
春侯康鐸全寧侯孫恪西京侯濮瓚持兵負固於兩間
可觀望而不觀望來歸者七人
東平侯韓政宣寧侯曹

良臣、營陽侯楊璟、河南侯陸聚、汝南侯梅思祖、宜春侯黃彬、豫章侯胡美，共五十七人。○置龍里平壩二衛指揮使。○司國子監祭酒宋訥卒。上遣行人特致祭葬於家。官其次子復祖爲國子監司業。

吳璠曰：訥剛正威嚴，在成均倡學規立師道，宿弊一厘不忝其職，而高皇所以待之者亦極隆厚。君臣之契殊鮮倫比。上燕閑思欲見之，不欲數召以勞乃令畫工寫其神，以來畫工受命於潛處，簾幙時訥方公服危坐，不語畫工。亟圖以進。上覽之，收訥明日訥朝罷，上謂之曰：「昨日某時，卿公服坐堂上，平對日然。」上曰：「卿何故有怒色？」訥惶恐對曰：「適一生獻茶，跪而碎茶，既臣不覺怒，且念臣不才，不能教率所致，有負委任，故含怒自訟。」因問：「陛下何以知之？」上出像語其故，且笑而慰之。更賜茶若干。故事，文臣四品無給喪費者，而給自訥始。則恩遇之隆可知也。

平都勻散
毛散狗蠻

平九溪蠻

諫國之獄
附詳春南
代王國用
論奏冤狀

置閤門使以前誠意伯劉基子仲景爲之。○詔用耆民有才德知典故者。○都勻安撫司散毛散狗長官司蠻民作亂。涼國公藍玉遣鳳翔侯張龍率兵討平之。○命東川侯胡海爲征南將軍帥師十萬征九溪蠻。三月師渡九溪大庸度天火嶺六古罕洞擒獲蠻酋夏三八古皮等械送京師還次賀山擊斬蠻兵千餘分道勦捕散毛部落俘獲亦千計還京尋以公侯還鄉例賜海金銀鈔幣歸老於家是年海卒

五月賜韓國公李善長死先是善長坐他累削祿既又有以胡惟庸黨類爲言者上亦不究也是春榜列功臣

猶前善長會有星變其占爲大臣災上疑之時大殺
京民之怨逆者善長請免共黨數人上大怒遂賜善

長死○詔求仙人張三丰

三丰一名玄玄始不知何許人洪武初入武當山修
鍊丰姿魁偉美髯如戟寒暑惟衣一衲或處窮寂或
遊市井浩浩自如傍若無人時呼爲張邈遇有問之
者終日不答一語或與論三教經書則吐辭滾滾皆
本道德忠孝每事來輒先知之所啖斗升輒盡或辟
穀數月自若也登山其行如飛或隆冬卧雪中餉鮮
如常時既入武當往來天柱五龍南岩紫霄諸名勝
洪武辛酉道士富平丘玄清遇之爲弟子三丰使居
五龍自結草菴於展旗峰北洪武庚午拂袖長往不
知所在至是上遣三山道士請三丰造朝了不可
覓召丘玄清至與語悅之拜監察御史賜之室辭不
受超擢太常卿後文皇帝復遣胡濙徧徃物色之
亦不能得岐陽王李文忠喜延異人其子景隆亦然
故待三丰禮遇極隆臨別贈一策笠告曰公家不出

千日當有奇禍必絕粒。令留此二物。急難時。披箕戴笠。流園呼我。我當爲公地。已靖難兵至。景隆係獄。詔絕其家糧。食其家如三丰言呼之。忽園中前後皆生穀。逾月熟。刈食得不死。○洪武時。異人非特三丰也。有徐天明者。見上言。國家運祚來數。上惡其惑衆。將殺之。問曰。汝何年當死。天明對曰。今日午時死。于緋衣小兒手中。上故命老千。凡衣青。押出行斬。後問千。戶姓名。蓋裴嬰也。緋衣小兒。隱語耳。上知其爲異人。命葬之。又山西平陽有張金箔者。善幻術。上命爲之。乃以瓶注水。書符投之。巨火四炙。氣出如縷。遂成五色雲。布滿殿上。又以蓮子撒金水河。頃刻開花萬朵。嬌妍絕倫。張乃剪紙爲舡。身坐船上。唱采蓮歌。拱手而去。不知所在。

詔宋國公馮勝、平涼侯費聚還鄉。各賜金銀鈔幣有差。十月命劉基孫、劉薦襲封誠意伯。

初。上封基爵。止其身不世襲也。既而基忤。惟嚴爲其所害。基子連。爲江西參政。又爲惟庸黨。布政使沈

古傳會選

孟子節文

孟子功臣

立本所會發憤成疾卒于官及惟庸敗上甚憫之至是命建子薦襲封增祿賜家子孫世襲

命禮部試侍郎張智翰林學士劉三吾同徵至耆儒臨

安錢宰等脩纂書傳上以蔡氏書傳註說多有未安

者命儒臣開局翰林院凡其傳得者存失者正又集諸

家之說足其未備書成賜名書傳會選命禮部刊行又

令儒臣修孟子節文

先是上覽孟子至上芥寇讐之說大不然之謂非

臣子所宜言議欲去其配享詔有諫者以不敬論且

命金吾射之刑部尚書錢宰抗疏入諫與觀自隨祖

胸受箭曰臣得為孟軻死死有餘榮上見其誠懇

命太醫院療其箭瘡而孟子配享得不廢至是乃命脩孟子節文

鑄渾天儀○更定六科官制○更定蕃國朝貢儀

十二月購遺書福建布政司進南唐書金史蘇軾古史
○航海侯張赫雄武侯周武卒

按赫以歲督海運功封侯後追論藍黨國除武
以從平西番功封侯至是九十子與襲指揮

辛未洪武二十四年正月 上閱漢書賜民爵之令

謂侍臣曰漢高祖立社稷施恩惠賜民之爵子孫相仍
以爲法或遇有事輒賜民爵至二級三級者又聽民轉
移與子甚無謂也夫爵所以命有德禮曰以賢制爵豈
可濫及乎且天下之人無賢不肖衆賜以爵則賢人君
子何以爲勸高帝貽謀若此誠未盡善○改封豫王爲
代王漢王爲肅王衛王爲遼王○以海運及防倭戰船

聖祖不但
禮樂征伐
制法垂憲
卽一巾服
之微制制
宜民若此

所用油漆棕纜悉出於民爲費浩繁命種桐漆樹於朝陽門外鍾山之陽

三月廷試進士賜許觀等三十一人及第出身有差

許觀貴池人鄉試會試俱第一後復姓黃建文中仕至禮部侍郎死于靖難妻翁氏及二女亦死節云

定生員巾服之制上以學校爲國儲才而士子巾服

無異吏胥宜有以甄別之命工部製式以進上親視

必求典雅凡三易其制始定襴衫用藍色絹布爲之寬

袖皂線縫軟巾垂帶由是士子衣冠綽有古風焉

上欲密察民情數爲微行一日至神樂觀見道士於
窻下結網巾問曰此何物對曰網巾也用以繫之頭
上則萬髮皆齊矣上去問曰朝罷上曰召神樂觀
結網道士來命爲道官仍命所爲網巾十三頂頒

示十三布政司人無貴賤皆首裹網巾。遂爲定制。蓋自元以前無此云。元楊維禎號鉄崖戴方巾見上。上問此巾何名。楊對曰四方平定巾。上喜命天下儒生皆戴之。

四月慧星入紫薇垣。○徐輝祖李景隆監玉桑敬馬鑑嚴麟朱銘徐質陳義徐增壽往陝西等處防邊賜詔有

差。○上謂廷臣曰朕嘗命寺人發庫藏中古鏡十餘

此工勝張
九齡進十
秋金鑑矣

以鑑容貌多失真召冶工數人問之莫能荅最後一人言範模不正故鏡偏邪照人失真朕聞之惕然感悟人

君主宰天下心有不正百度乖矣正心之功其可忽乎。

四月鑄渾天儀。○上謂後軍都督沐春曰虜人遠遁

塞外清寧已置大寧都司及廣寧諸衛足以守邊其守

關士卒已命撤之。而山海關猶循故事。其七站軍士雖名守關。實廢屯田養馬。自今一片石等關。每處止存軍士十餘人。譏察逋逃。餘悉令屯田。彭友信爲北平布政使時。友信以貢至京師。遇 上微行。口占虹霓詩二句云。誰把青紅線兩條。和雲和雨繫天腰。命續之友信應聲曰。玉皇昨夜鑒興出。萬里長空駕玉橋。上大悅。問其藉。命翌辰候於竹橋。同入朝。友信如言。候久不至。遂入朝。上召友信上殿前。問故。具以實對。上曰。此秀才。有學有行。遂命爲北平布政使。○命翰林院侍讀陳廸爲山東布政司叅政。捕蝗。弭盜。民甚德之。

八月命都督宋晟劉真統兵征哈密。哈密去肅州千餘里。虜所城也。九月晟等兵至其城。破之。擒其僞王子別列怯。幽王桑里失哥。知院岳山等。殺其國公阿朶只。俘獲虜衆千三百人。及金印一。銀印二。悉送京師。○賜長興侯耿炳文緡錢。造第鳳陽。賜鈔與葺先塋。黃白金銀衫緞。優老於家。○嘉興府通判龐安。獲私鬻鹽徒。送京師。而上以鹽賞其獲者。戶部以其違例。罰償鹽入官。且責取罪狀。安上言。律者萬世之常法。例者一時之旨意。豈可以一時之例。壞萬世之法。今欲依例而行。則於律內。非應捕人。給賞之言。自相違背。自失信於天下也。

以一典史而達跡于都御史瑄朝用人不拘資格惟其言之有關係耳若王振汪直劉瑾魏忠賢時進此言身家兩破矣

上是之詔論如律

十月南豐縣典史馮堅言九事一曰願養聖躬以爲民社之福二曰慎擇老成之臣以爲諸王之福三曰攘夷狄以爲中國之福四曰精選有司以爲民生之福五曰褒封祀典以勵忠烈六曰減省宦官以防內權七曰調易邊將以防外患八曰採訪廉能以懲貪墨九曰增置關防以革奸弊其一言王者之居四方瞻仰設置宦寺守門使之傳命供給灑掃而已然往昔之君多爲所制由其爲左右近習之人故其言易入易信遂養成內患而不自知也願鑒諸史藉裁去冗員以防異日美權之

皇明法傳錄

卷九

高皇帝

二十三

患。上加其言，有開政體，擢都察院左僉都御史。○勅禮部清理釋道二教。凡各府州縣寺觀雖多，但存其寬大可容衆者一所，併居天下僧道，有創立菴堂寺觀，非舊額者，悉毀之。

高汝忭曰：自古帝王崇重佛教，則道流被斥，興起道教，則釋典受汰，勢不並立。其徒宗而守之，入主出奴，至與爲敵，要之道家人人不深，終不能與佛教角。故寺院爲獨多。魏世宗時，自河洛關陝山東江北而言，未及天下之半，寺已一萬三千餘矣。元時詔宣政院掌釋教，共寺四萬二千餘所，滿溢至此。陋習何如。唐會昌中，毀寺四千六百餘區，毀招提蘭若四萬餘區。周顯德二年，毀寺院三萬三百有奇。此真英主作爲令。人景仰，今上固無意求仙，亦無心仗佛，其毀寺也，肅清邪流之溺惑，其存一所以居之也。如毀佛道之遺意，本來中正得體，真足垂萬古之法。

十二月命都督俞通淵統貴州辰沅各衛軍征古州諸蠻洞○命皇太子巡撫陝西湖廣○寶慶衛百戶舍人倪基言四事一任川武臣二制民之產三興舉社學四選賢授職上嘉之命叅贊清平衛軍事○命都督劉真自迤北往西創立甘州肅州城池操練軍馬屯種田疇○陞學官立於雜職之上○皇太子還自陝西志欲定都洛陽爲圖以獻

十二月命景川侯曹震往四川治道路震至瀘州按視有支河通永寧界乃鑿石削崖直接其地以通漕運復闢陸路作驛舍郵亭駕橋立棧自茂州一道至松礮一

道至貴州以達保寧通陝西由是往來便之。

高汝拭曰蜀之門戶歸巴間險隘在楚形勢要害謂在我爲要在敵爲害正蜀所恃以爲險近奉朝議十許邑一切削平以開道路開門延寇自失其險甚爲失慮若謂太平無虞則秦關二百長江天險皆非治國所右矣今金陵有閘江石諸險虎踞江心大扼舟航若可鑿去我神洲及六朝孫吳以來鑿去久矣龍江衛吏以過罰書寫值毋喪乞守制吏部尚書詹徽不許吏擊登聞鼓上謂徽曰吏雖罰役天倫不可廢使毋死不居喪人子之心終身有歎夫與人爲善猶恐其不善者若有善而問之何以爲勸徽大慚吏得終喪命擢寧海儒學訓導閩文爲燕府右長史南昌儒學訓導皆怨爲周府左長史徽言訓導秩滿例陞教諭今授

長史越資宜試職。上曰：師儒職雖卑，其道則尊，不可以資格論。遂實授，仍賜冠帶、文綺襲衣。○以花茂爲廣東都指揮使、司同知。茂，巢縣人。在廣州，常勦平陽春等縣叛賊，與靖遠、英德、翁源、香山等縣併海南、雷州等處山寨、徭賊、蠻賊及倭賊。至是，陞都指揮同知。上言廣州地方若東莞、香山等縣逋逃蛋戶，附居海島，遇官軍則稱逋魚，遇番賊則同爲寇。不時出沒劫掠，人民殊難管轄。請徙其人爲兵，庶革前患。又奏請添設沿海依山、碣石、神電等二十四衛所城池，收集海民，隱料無藉等軍守禦，仍於要害山口、海汊立堡，撥軍屯守。詔從之。